

## NAQQIUT

(Siunnersuuteqartoq allanngorpoq)

10. oktober 2019

UKA2019/34

Inatsisartut Suleriaasianni § 33. imm. 1 naapertorlugu aalajangiiffigisassatut siunnersuut imaattoq matumuuna saqqummiuppara:

**Angajaqqaarsiaasut paarsinerminnik oorsiarisartagaat (vederlag) pillugu kaajallaasitaq allanngorteqqullugu, taamaalilluni naliginnarmik januarip ulluisa aallaqqaataaniit 2020 qaammammut kr. 8.000-inngortillugu, Naalakkerssusisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.**

(Siumup Inatsisartunut ilaasortaaitai)

### Tunngaviliineq:

Ilaqutariit angajoqqaarsiatut inissisimasut misigisarajuppaat, paarsinerminnik oorsiarisarisartagaat (vederlag) annikippallaartut, aningaasartuutigineqartunullu matussutissatulluunniit naammannatik, meerarsiamut ataatsimut aningaasartuutaasut eqqarsaatigalugit. Meeqqanik paarsinermi oorsiaasartut (vederlag) ataavartumik ilaqutariinnik paarsisartussanik pissarsinissaq atatitsinissarlu pillugu pingaaruteqaqaaq.

Deloitte 2012-imi misissuinermi qitiusumik inerniliinera tamanna aamma takutipppaa.

Ajoraluartumik pissutsit ullumikkut allanngungaarsimanngillat: Ilaqutariit angajoqqaarsiaasut misigisarput oorsiatik annikippallaartut taamaalilluni ilaqutariinnik paarsisussanik pissarsiniarnissaq atatitsinissarlu ajornakussorpoq.

Meeqqap nerisarsiniutissai, atisarsiniutissai kaasarfimmiussaalu, ilaqutariinnut angajoqqaarsiaasunut tunniunneqartartut januarip aallaqqaataani 2018-imi qaffatsinneqaraluarput inatsisartut inatsissaatut siunnersuut<sup>1</sup>, ukiup siuliani inatsisartuni aalajangiunneqartoq. Qaffaaneq ilaqutariinnut angajoqqaarsiaasunut aningaasatigut naleerukkiartorneq taartisiatut isigineqarsinnaavoq, ilami ukiorpassuit qaangiummata kingullermik aaqqiisoqarmalli.

---

<sup>1</sup>

Ilaqutariinnut Peqqinnissamullu Ataatsimiititaliap isumaliutersuutaa naapertorlugu qaffaasoqangannitsoorpoq. Ataatsimiititaliap innersuussutigimmagu, naliginnarmik paarsinermik pissarsiarisartakkaet januarip aallaqqaataani 2018-miit qaammammut kr. 8.000,- inngortinneqassasut.

Naalackersuisut taamaallaat siullermeerutaasumik aningaasatigut nalilikillineq tunngavigalugu qaammammut 900 kr.-imik qaffaavoq. Taamalilluni qaammammut angajoqqaarsiatut pisartakkat angissuseqalerput 5.028 kr. – imaappoq ca. 3.000 kr.-inik annikinnerulluni Ilaqutariinnut Peqqinnissamullu Ataatsimiititaliap isumaa malillugu tulluurtumik innersuussutaanniit.

Paasinnilluaqaanga Naalackersuisut taamani kissaatigimmagu angajoqqaarsiatut pisartakkat sulinernullu tunngasut tamaasa ataatsikkut meerarsiaqartarnermut siunissami iliuusissanut ilanngukkusussimammatigik, Naalackersuisummi taamatut pilersaarmata ukiup 2018-ip ingerlanerani.

Maanna tassa 2018 qaangiuteriikatappoq, taamaamat piffissanngorsoraara ilaqtuariit angajoqqaarsiaasartut tigussaasumik pitsanngorsaavigineqartariaqalermata, soorlulusooq Deloitte-p 2012-imi tamanna innersuussutigisimagaa.

Puigorneqartariaqanngilaq, ilaqtuariinni angajoqqaarsiannikkutta, amerlanertigut ulloq unnuarlu paaqqinnittarfinnut inissiisariaqaratta, tamannalu inuiaqatigiinnut akisunerujussuuvuq.

Kiisalu aamma ilaqtuariinni angajoqqaarsiannigiat suliaannut inuiaqatigiinniit takussaasumik malunniutaasumillu qujaniutigisariaqaratsigu.

#### **Pisortanut aningaasatigut allaffissornikkullu kingunerisassat:**

Ilaqtuariinni angajoqqaarsiaasartut qaammammut akissarsiarisartagaat qaammammut 3.000,- kr. missaanni qaffassutaassappat ukiumut 15,6 mio. kr.-inik atuinernerumik kinguneqassaaq, tamatumani kommunit ukiumi 2015-imi atuisimanagerat najoqqutaalluni.

Naalackersuisut apeqquteqaammut §37-imut akissuteqaataat nr. 22/2017 innersuunneqarpoq.

#### **Namminersorluni inuussutissarsiuteqarnermut aningaasatigut allaffissornikkullu kingunerisassat:**

Siunnersuut Namminersorluni inuussutissarsiuteqarnermut aningaasatigut allaffissornikkullu kinguneqassanngilaq

#### **Innuttaasunut aningaasatigut allaffissornikkullu kingunerisassat:**

Siunnersuut ilaqtuariinnut naliginnarmik angajoqqaarsiaasartunut (inuussutissarsiutiginaq) pisartakkatigut qaammammut 2972 kr.-inik qaffassutaassaaq akileraatutitigut ilanngaatigineqartinnani.

